



Lets in Osterie:

LA STAGIONE DELLA MUTA

More pulp tales

di Fulvio Romanin

CE LIBRI ISAL?

“*La stagione della muta*” al è il secont libri di Fulvio Romanin pe Kappa vu, tal 2012, simpri inte golaine La Comugne, ven a stai picinin - di misure - e ancje di pagjinis, che a son 168. Dentre si cjatin dôs contis, une par talian e une par furlan, anzit, cjargnel, di chel cu la O, che **la conte che si pues cjatâ su cheste Osterie**.

MA CUI ISAL L'AUTÔR?

Fulvio al è cognossût plui pe sô ativitât intal cjamp musicâl, come fondadôr de **ReddArmy** o come un dai Madrac, ma come lavôr primari al opere cu la **Ensoul** e al è un Web designer e architet informatic espert di CEO. In ogni câs si pues viodi dut **sul so profil linked-in**. Par bande scritture, invece, une vore cognossût il so libri di critiche al sisteme de partide iva par artiscj, L'IVA funesta. Di bande narrative il so prin libri al è, **Niari - two pulp tales**.

MA CE ISAL DENTRI, DI PRECÎS?

Dôs contis lungjis, la prime par furlan e la seconde par talian. La prime e je in cjargnel cu la o, ancje se tancj dialics a son par talian, e e je une storie nere che e viôt un miedi brut, ma brut, ma brut, che parcè che al è siôr si met dongje di une biele e stupide e al torne in

Cjargno, dulà che al cjate un mont dal dut diferent...

La seconde conte e je par talian e e conte il mont dal hip-hop e e je une riletture dal Faust che però di filosofic ‘nt à une vore pôc, jessint che e pant dut il sistema dal business di chest ambient, fat di bêç, feminis, int stupide, masse di int come ocats, tristeriis, int che si profite di dut e une vore, ma une vore di pocje art. Ancje chi, la storie e tire sul neri... e si impare une vore di tiermins dal ambient.

MA A CUI I PUEDIAL PLASÊ?

A chei che no àn pôre di lei “paravolatos” intes contis, e che a àn voie alc di difernt, a chei chei i plasin lis contis sveltis, rapidis, che ti sticin a rivâ insomp intun marilamp, a chei che i plâs la cjargne, il cjargnel, il mont hip hop (o che a àn voie di cognossilu). A chei che a àn voie di fâsi dôs ridadis, intant che a lei. A chei che i plâs viodi cemût che un gjenar come il pulp a pues jessi doprât, jenfri lis riis, ancje par lassâ passâ cualchi biel messâç.

E SE O AI VOIE DI CJOILU?

Intes seradis de ostarie, inte cariole dal ostîr, a varessis di cjatâlu, o si no li di Onde Furlane, in via Volturmo, o si no in cualchi librerie di Udin, o sul web, [sul sito de kappa vu](#), [su ibs](#), o insome, sgarfant tal web si cjate. Cun di plui, la seconde conte [la podês ancje scjamâ di rive jù-](#)